

IZVJEŠTAJ O TRANSPARENTNOSTI ZA 2024. GODINU

Sarajevo, 2025. godina

O DRUŠTVU

n.Consulting d.o.o. Sarajevo je društvo osnovano 2014. godine. Za relativno kratak period uspjeli smo steći povjerenje velikog broja klijenata zahvaljujući iskustvu koje su naši zaposlenici godinama sticali na lokalnim i međunarodnim tržištima kroz razne projekte i angažmane, kontinuirani fokus i prilagođavanje potrebama klijenata, kao i neprestalni razvoj kvalitetnih usluga osiguralo nam je respektabilnu poziciju na lokalnom tržištu, kao pouzdanog i predanog poslovnog partnera u pružanju kvalitete naših usluga.

Naša tržišna snaga jeste pružanje sveobuhvatne usluge koje uključuju sva glavna područja kojima se bavi naše društvo:

- revizorske usluge – usluge revizije finansijskih izvještaja i revizije informacionih sistema,
- usluge računovodstva,
- usluge porezno-pravnih pitanja,
- due diligence,
- konsaltinga i finansijskog savjetovanja,
- usluge izrade dokumentacije o transfernim cijenama i
- usluge internih kontrola.

Trenutno smo angažovani na raznim poljima, tj. Industrijskim granama za obavljanje gora navedenih profesionalnih usluga.

Naša misija

Naša misija dosljedna je od samog osnivanja 2014. godine:

Uz pomoć tima mladih, odgovornih i obrazovanih stručnjaka klijentu pružiti vrhunsku uslugu koja će ispuniti sva njegova očekivanja.

Naša vizija

Vizija društva je pružiti kupcima visokokvalitetnu uslugu kroz moderan, fleksibilan i profesionalan pristup. Cilj nam je kontinuiranim razvojem i napretkom, poštujući temeljne moralne vrijednosti, pozicionirati se kao inovativno, kvalitetno i učinkovito društvo.

Vrijednosti koje negujemo

Praktična i savremena poslovna znanja i iskustva usmjeravamo u povećanje vrijednosti za naše klijente. Naš tim, okupljen oko jedinstvene vizije, neguje sistem vrijednosti koji je jednak za sve. Temeljne vrijednosti koje negujemo su etika, inicijativa, kreativnost, odgovornost te kvalitet.

Opći podaci o Društvu

Puni naziv društva	n.Consulting Društvo za reviziju, računovodstvo i savjetovanje d.o.o. Sarajevo
Skraćeni naziv društva	n.Consulting d.o.o. Sarajevo
Sjedište društva	ul. Branilaca Sarajeva broj 45, Sarajevo, Bosna i Hercegovina
MBS	65-01-0494-14
JIB društva	4202008630000
Djelatnost	69.20 - Računovodstvene, knjigovodstvene i revizijske djelatnosti porezno savjetovanje;
Osnivački kapital	2.000,00 KM


Vlasnička i upravljačka struktura Društva

Društvo n.Consulting d.o.o. Sarajevo je u 100%-tnom privatnom vlasništvu.

Upravu društva čine:

Nerman Čeho	direktor bez ograničenja ovlaštenja
Nerma Karić	prokurist, bez ograničenja ovlaštenja, uključujući raspolaganje i opterećenje nekretnina u vlasništvu Društva

Organizaciona struktura društva



SISTEM INTERNE KONTROLE KVALITETE DRUŠTVA

Sistem interne kontrole kvalitete u Društvu ima ključnu ulogu u osiguravanju da svi revizorski postupci budu provedeni u skladu sa profesionalnim standardima i regulatornim zahtjevima. Ovaj sistem je dizajniran da obuhvati sve faze revizorskog rada, uključujući planiranje, izvršenje, izvještavanje i nadzor, s ciljem očuvanja integriteta i tačnosti revizorskih izvještaja.

Sistem interne kontrole kvalitete nadgleda Kontrolor kvalitete, koji je odgovoran za razvijanje, implementaciju i periodičnu reviziju politika i procedura za kontrolu kvalitete. On osigurava da su svi postupci u skladu s važećim standardima i zakonima, te pruža smjernice za unapređenje kvalitete. Kontrolor kvalitete, kao ključna figura u sistemu, pregledava sve ključne radne dokumente i revizorske izvještaje kako bi osigurao njihovu tačnost i usklađenost. Revizorski timovi, sastavljeni od kvalifikovanih i obučavanih revizora, odgovorni su za izvršenje revizijskih zadataka prema utvrđenim procedurama i metodologijama.

Procesi i procedure

Proces planiranja revizije počinje s procjenom rizika, koja omogućava identifikaciju i evaluaciju svih potencijalnih prijetnji koje mogu uticati na kvalitetu revizije. Na temelju ove procjene, razvija se plan revizije koji se mora odobriti od strane Kontrolora kvalitete prije nego što se započne sa radom. U fazi izvršenja revizije, revizori slijede utvrđene procedure, dokumentuju svoje nalaze i zaključke, a Kontrolor kvalitete vrši nadzor nad primjenom ovih procedura kako bi se osigurala njihova usklađenost sa standardima.

Nakon završetka revizije, izvještaji prolaze kroz dodatni pregled Kontrolora kvalitete, koji provodi evaluaciju tačnosti i kvaliteta izvještaja. Ovaj pregled uključuje analiziranje svih nalaza i preporuka, kako bi se osiguralo da su svi aspekti revizije pravilno dokumentovani i predstavljeni.

Praćenje i unapređenje

Sistem interne kontrole kvalitete uključuje kontinuirano praćenje i evaluaciju svih revizorskih procesa. Interni nadzor osigurava pravovremeno identifikovanje i rješavanje bilo kakvih nedostataka ili neusklađenosti u postupcima. Periodične interne revizije omogućavaju prepoznavanje područja za poboljšanje i prilagođavanje politika i procedura prema promjenama u standardima i propisima.

Stalna obuka i profesionalni razvoj zaposlenih su ključni za održavanje visokih standarda kvalitete. Zaposleni su obavezni učestvovati u redovnim obukama koje pokrivaju najnovije standarde i prakse, a evaluacije performansi pomažu u identifikaciji potreba za dodatnim usavršavanjem.

Implementacija i održavanje efikasnog sistema interne kontrole kvalitete osigurava da društvo n.Consulting d.o.o. Sarajevo ne samo da ispunjava zakonske i profesionalne zahtjeve, već i pruža visoki nivo pouzdanosti i integriteta u svojim uslugama. Kontinuirano praćenje i unapređenje ovog sistema ključni su za očuvanje povjerenja klijenata i profesionalne reputacije društva.

Izjava o procedurama i neovisnost rada društva n.Consulting d.o.o. Sarajevo

U društvu n.Consulting d.o.o. Sarajevo pridajemo izuzetnu važnost procedurama i očuvanju neovisnosti našeg rada. Naše procedure su pažljivo osmišljene kako bi osigurale da svi procesi budu provedeni u skladu sa relevantnim standardima, zakonodavstvom i najboljim profesionalnim praksama. Neovisnost je temelj našeg poslovanja, te se obavezujemo da ćemo je održavati u svakom aspektu našeg rada, bez uticaja vanjskih faktora ili sukoba interesa. Time garantujemo objektivnost i nepristrasnost u pružanju naših usluga, što doprinosi očuvanju povjerenja naših klijenata i integriteta profesije.

Izjava o politici društva n.Consulting d.o.o. Sarajevo u vezi sa kontinuiranim profesionalnim usavršavanjem licenciranih ovlaštenih revizora

Naša politika u vezi sa kontinuiranim profesionalnim usavršavanjem licenciranih ovlaštenih revizora zasniva se na osiguravanju da svi naši revizori redovno unapređuju svoja stručna znanja i vještine kako bi ispunili najviše standarde profesionalne izvrsnosti. Obavezujemo se da omogućimo i podržimo kontinuiranu edukaciju i razvoj naših revizora kroz učešće u relevantnim treninzima, seminarima i programima obuke, u skladu s međunarodnim standardima revizije i regulatornim zahtjevima. Time osiguravamo da naši revizori budu u toku s najnovijim promjenama u zakonodavstvu, tehnikama revizije i etičkim normama, te da svojim radom zadrže profesionalni integritet i kompetentnost.

Trenutno, u društvo n.Consulting d.o.o. Sarajevo su angažovana tri certificirana revizora:

- **Nerman Čeho** broj licence: 3091103238
- **Ismail Katana** broj licence: 3090719232
- **Nerma Karić** broj licence: 3090035142

Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa

Primanja ovlaštenih revizora koji potpisuju izvještaje o obavljenim revizijama od javnog interesa, od kojih je jedan i vlasnik društva, su regulirana pojedinačnim ugovorima o radu. Vlasniku se isplaćuje i ostvarena dobit društva.

Popis subjekata od javnog interesa kod kojih je društvo n.Consulting d.o.o. Sarajevo izvršilo reviziju u toku 2023. godine

U 2024. godini društvo n.Consulting d.o.o. Sarajevo je izvršilo reviziju sljedećih društava od javnog interesa:

- Bosnalijek d.d. Sarajevo
- Brovis d.d. Visoko
- JZU Dom zdravlja Jablanica
- Energoinvest – SUE d.d. Sarajevo
- Hidrogradnja d.d. – u stečaju
- Turistička zajednica Kantona Sarajevo
- JU Centar za sport i rekreaciju
- OIEIEK

Finansijske informacije o društvu n.Consulting d.o.o. Sarajevo

U tabeli koja slijedi je prikaz ukupnog prihoda koje je društvo n.Consulting d.o.o. Sarajevo ostvarilo u 2024. godini sa prikazom ostvarenih prihoda po odjelima.

Opis pozicije	Iznos u KM	Učešće u ukupnom prihodu (%)
Ukupan prihod	1.255.064	
Prihod od revizorskih usluga	427.135	34%
Prihod od računovodstvenih usluga	420.440	33%
Prihod – ostale usluge	403.889	32%
Ostali prihodi	3.600	1%